

Na osnovu člana 72. stav 2. Zakona o zaštiti okoliša («Službene novine Federacije BiH», broj: 33/03) federalni ministar za prostorno uređenje i okoliš donosi

PRAVILNIK

O ROKOVIMA ZA PODNOŠENJE ZAHTJEVA ZA IZDAVANJE OKOLINSKE DOZVOLE ZA POGONE I POSTROJENJA KOJA IMAJU IZDATE DOZVOLE PRIJE STUPANJA NA SNAGU ZAKONA O ZAŠTITI OKOLIŠA

I OPĆE ODREDBE

Član 1.

Ovim pravilnikom utvrđuju se rokovi za podnošenje zahtjeva za izdavanje okolinske dozvole za pogone i postrojenja za koja su izdate dozvole prije stupanja na snagu Zakona o zaštiti okoliša Federacije Bosne i Hercegovine («Službene novine Federacije BiH», broj: 33/03).

Pod dozvolom iz stava 1. ovog člana u smislu člana 72. stav 1. Zakona o zaštiti okoliša smatra se urbanistička saglasnost ili odobrenje za građenje.

Član 2.

Rokovi utvrđeni u ovom pravilniku odnose se na pogone i postrojenja navedena u čl. 4., 6., 8. i 9. Pravilnika o pogonima i postrojenjima za koje je obavezna procjena uticaja na okoliš i pogonima i postrojenjima koji mogu biti izgrađeni i pušteni u rad samo ako imaju okolinsku dozvolu» («Službene novine Federacije BiH, broj: 19/04).

II ROKOVI ZA PODNOŠENJE ZAHTJEVA

Član 3.

Operatori pogona i postrojenja iz člana 2. ovog pravilnika dužni su podnijeti zahtjev za izdavanje okolinske dozvole u sljedećim rokovima:

1. Najkasnije do 31. oktobra 2006. godine za:
 - a) Upravljanje vodama;
 - b) Poljoprivreda, šumarstvo i vodoprivreda;
 - c) Prehrambena industrija;
 - d) Infrastrukturni i drugi projekti,
 - e) Turizam i zabava,
 - f) Pogoni i postrojenja za koja postoji opasnost od nesreće većih razmjera.
2. Najkasnije do 31. Januara 2007. godine za sljedeće grane industrije:

- a) Mineralna industrija;
- b) Upravljanje otpadom,
- c) Tekstilna, kožarska, drvna i papirna industrija.

3. Najkasnije do 31. Avgusta 2007. godine za sljedeće grane industrije:

- a) Energetska industrija;
- b) Hemijska industrija;
- c) Metalna industrija,
- d) Ekstraktivna industrija.

III PRELAZNE I ZAVRŠNE ODREDBE

Član 4.

Operatori pogona i postrojenja dužni su prije podnošenja zahtjeva za izdavanje okolinske dozvole da ispune uslove propisane u Pravilniku o uslovima za podnošenje zahtjeva za izdavanje okolinske dozvole za pogone i postrojenja koja imaju izdate dozvole prije stupanja na snagu Zakona o zaštiti okoliša.

Član 5.

Ovaj pravilnik stupa na snagu osmog dana od dana objave u "Službenim novinama Federacije BiH".

FEDERALNI MINISTAR

Ramiz Mehmedagić

(„Službene novine Federacije BiH“, broj 68/05)

